

04

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO OBRAZOVANJA I NAUKE
FEDERALNO MINISTARSTVO OBRAZOVANJA I ZNANOSTI

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL MINISTRY OF
EDUCATION AND SCIENCE

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ФЕДЕРАЛНО МИНИСТАРСТВО
ОБРАЗОВАЊА И НАУКЕ

Broj: 04-34-10-5363/24
Mostar, 04. 11. 2024. godine

Hercegovačko-neretvanski kanton
Ministarstvo obrazovanja, nauke, kulture i sporta
n/r g. prof. dr. **Adnan Velagić**, ministar
Stjepana Radića 3
88000 MOSTAR

Unsko-sanski kanton
Ministarstvo obrazovanja, nauke, kulture i sporta
n/r g. **Denis Osmankić**, ministar
Mehmedalije Maka Dizdara bb
77000 BIHAĆ

Tuzlanski kanton
Ministarstvo obrazovanja i nauke
n/r g. dr. sci. **Ahmed Omerović**, ministar
Muhameda Hevajija Uskufija 1
75000 TUZLA

Zeničko-dobojski kanton
Ministarstvo za obrazovanje, nauku, kulturu i sport
n/r g. **Mirza Mušija**, ministar
Zmaja od Bosne bb
72000 ZENICA

Bosansko-podrinjski kanton
Ministarstvo za obrazovanje, mlade, nauku, kulturu i sport
n/r gđa **Adisa Alikadić-Herić**, ministrica
1. slavne višegradske brigade 2/a
73000 GORAŽDE

Kanton Sarajevo
Ministarstvo za nauku, visoko obrazovanje i mlade
n/r gđa prof. dr. **Adna Mesihović**, ministrica
ul. Reisa Džemaludina Čauševića 1
71000 SARAJEVO

Predmet: Obilježavanje Međunarodnog dana studenata u Federaciji BiH

Poštovana Ministrice/Ministre,

koristimo priliku podsjetiti Vas na skorašnji Međunarodni dan studenata, koji se u evropskim zemljama i svijetu obilježava svakog 17. novembra u znak sjećanja na

studentske proteste i njihovu ogorčenu borbu protiv nacističkog režima u okupiranoj Čehoslovačkoj 1939. godine.

Studentski nemiri u Pragu izbili su na godišnjicu osnivanja Čehoslovačke 28. oktobra. Studenti su organizirali masovne demonstracije, bojkot predavanja i obustavu rada na univerzitetima. Odgovor režima bio je brutalan i krvav. Jedan od studenata, učesnika masovnih protesta je podlegao ranama zadobijenim u sukobima sa policijom. U znak odmazde, devet studenata je pogubljeno 17. novembra 1939. godine. Zatvoreno je 10 čehoslovačkih univerziteta, a njihova imovina uništena ili konfiskovana. Studenti koji su živjeli u studentskim domovima nasilno su izbačeni na ulicu. Uhapšeno je više stotina studenata, a skoro 1300 deportovano u koncentracione logore. Ista sudbina je zadesila i neke od profesora.

Međunarodno studentsko vijeće u Londonu je 1941. godine u znak sjećanja na tragične događaje, te podrške i solidarnosti sa čehoslovačkim studentima proglasilo 17. novembar Međunarodnim danom studenata.

U današnje vrijeme, svrha obilježavanja Međunarodnog dana studenata nije samo znak pijeteta prema onome što se dogodilo 1939. godine, nego i sagledavanje stanja u kome se trenutno nalazi studentska populacija. S jedne strane, studiranje nudi velike mogućnosti i otvara pristup tržištu rada i boljem životu. S druge, studenti su suočeni sa brojnim pritiscima i strahovima ispitne i egzistencijalne prirode. Istraživanja u nacionalnim okvirima i na međunarodnom nivou pokazuju da se ovi pritisci i imperativ postizanja uspjeha odražavaju na njihovo mentalno i opće zdravlje.

Stoga ovaj dan nema niti po svojoj prirodi može imati svečarski karakter. On podsjeća na permanentnu obavezu i odgovornost države i šire društvene zajednice da novim pokoljenjima osiguraju uslove za bolji i sretniji život. Odgovornost stoji i na današnjim studentima. Oni su ti koji trebaju promišljati, djelovati i raditi na stvaranju boljeg i pravednijeg svijeta, onako kako su to radile i generacije njihovih prethodnika. Međunarodni dan studenata je dan kada se dodatno ističe važnost obrazovanja i njegovog značaja za razvoj humanijeg i pravednijeg društva bez predrasuda, mržnje, rasizma, nasilja i ksenofobije.

Federalno ministarstvo obrazovanja i nauke poziva sva resorna kantonalna ministarstva, visokoškolske ustanove i studentske organizacije u Federaciji Bosne i Hercegovine da na prigodan način obilježe Međunarodni dan studenata i ukažu na njegovu simboliku i značaj.

S poštovanjem,



po ovlaštenju Ministrice
POMOĆNIK MINISTRA

Jasmin
mr. sc. Jasmin Branković